



Llywodraeth Cymru
Welsh Government

Synthesis o dystiolaeth ar benderfyniadau rhieni am ofal plant ar gyfer plant rhwng naw mis a dwy flwydd oed

Crynodeb

Dyma gyfle cyffrous i wneud lleoliad gwaith am dâl ar brosiect ar ran Llywodraeth Cymru. Ffocws y prosiect yw cyflawni synthesis o dystiolaeth i gefnogi datblygiad parhaus polisi'r blynyddoedd cynnar. Bydd yr ymgeisydd llwyddiannus yn gweithio'n agos gyda swyddogion Llywodraeth Cymru a rhanddeiliaid i ymchwilio i amrywiaeth o ganlyniadau ymchwil a'u datblygu, a chefnogi Llywodraeth Cymru yn ei phroses ymchwil. Bydd yr ymgeisydd yn cael y cyfle i ddefnyddio sgiliau ymchwil mewn amgylchedd polisi, i ddatblygu mwy ar ei sgiliau cyffredinol (megis ysgrifennu adroddiadau a gwneud cyflwyniadau) a chyfoethogi ei wybodaeth am ymchwil y tu hwnt i faes academiaidd.

Y Sefydliad

Llywodraeth Cymru yw'r Llywodraeth ddatganoledig ar gyfer Cymru sy'n gyfrifol am yr economi, addysg, iechyd a'r GIG yng Nghymru, busnes, gwasanaethau cyhoeddus ac amgylchedd Cymru.

Yn benodol, bydd yr interniaeth wedi'i lleoli yn y gangen Tystiolaeth i Blant, Teuluoedd a Gofal Plant yn yr Is-adran Tystiolaeth a Chefnogaeth ar gyfer Cydraddoldeb, Tlodi a Phlant (EPCESD). Sefydlwyd yr is-adran hon yn ddiweddar ac mae'n chwarae rôl hanfodol yn cefnogi'r Gyfarwyddiaeth Cymunedau Threchu Tlodi a'r Gyfarwyddiaeth Gofal Sylfaenol, Iechyd Meddwl a'r Blynyddoedd Cynnar, sy'n anelu at hyrwyddo lles unigolion, teuluoedd a chymunedau a'u ffyniant economaidd. Trwy ddarparu cefnogaeth ymchwil, tystiolaeth, cynllunio a chyllid i wneuthurwyr polisi, rydym yn cefnogi ystod eang o flaenoriaethau ar draws y maes Cymunedau a Threchu Tlodi, sy'n cynnwys:

- Hyrwyddo'r blynyddoedd cynnar a sicrhau bod plant yn cael y dechrau gorau mewn bywyd.

- Darparu cefnogaeth i rieni er mwyn sicrhau lles plant a helpu i sicrhau eu bod yn cyflawni eu potensial.
- Cynyddu'r ddarpariaeth gofal plant a chwarae sydd ar gael sy'n fforddiadwy ac o ansawdd.
- Taclo Profiadau Niweidiol yn ystod Plentyndod (ACE) drwy fabwysiadu dull ataliol a meithrin gwytnwch i wrthsefyll eu heffaith.
- Mynd i'r afael â thlodi plant
- Hyrwyddo hawliau a chyfranogiad plant a phobl ifanc.

Yr Interniaeth

Bydd y prosiect yn canolbwyntio ar adolygiad cyflym o'r dystiolaeth bresennol ynghylch sut mae rhieni'n gwneud penderfyniadau am ofal plant i blant rhwng naw mis a dwy oed. Bydd yr interniaeth yn gyfle cyffrous i weithio yng nghanol Llywodraeth Cymru. Bydd yr intern yn gweithio'n agos gyda swyddogion polisi ac ymchwilyr, a bydd cyfle iddynt roi eu sgiliau ymchwil ar waith mewn amgylchedd polisi, i ddatblygu mwy ar eu sgiliau cyffredinol (megis ysgrifennu adroddiadau a gwneud cyflwyniadau) a chyfoethogi eu gwybodaeth am bolisi.

Bydd yr ymgeisydd llwyddiannus yn elwa ar gyfleoedd datblygu a gynigir yn ganolog gan Lywodraeth Cymru, a gall hyn gynnwys mentora, cysgodi, cefnogaeth gan gymheiriaid a hyfforddiant.

Bydd interniaid yn elwa ar y profiad o gydweithio'n agos â Llywodraeth Cymru yn y ffyrdd canlynol:

- Meithrin gwell dealltwriaeth o'r byd y tu allan i'r byd academiaidd a chynyddu cyflogadwyedd, gan ddefnyddio eu gwybodaeth a'u sgiliau i gyfrannu at waith Llywodraeth Cymru.
- Gall cydweithwyr yr intern yn Llywodraeth Cymru gynnig goleuni pellach ar ei brosiect PhD a all gyfrannu at lwyddiant y thesis, yn ogystal â chyfleoedd rhwydweithio o fewn y maes polisi sy'n gysylltiedig â'r maes ymchwil
- Datblygu sgiliau a gwybodaeth drosglwyddadwy, gan gynnwys sgiliau rheoli amser a sgiliau ysgrifennu adroddiadau

Y prosiect

Synthesis o dystiolaeth ar benderfyniadau rhieni am ofal plant ar gyfer plant rhwng naw mis a dwy flwydd oed

Mae Llywodraeth Cymru wedi ymrwymo i sicrhau bod pob plentyn yng Nghymru yn cael y dechrau gorau posibl mewn bywyd. Mae'r blynyddoedd cynnar yn hanfodol bwysig ym mywyd plentyn, gan ddarparu cyfleoedd ffurfiannol a gosod y sylfaen ar gyfer dysgu a datblygu tymor hwy. Mae buddsoddi mewn gofal ac addysg blynyddoedd cynnar, fel y

nodir yn ein gweledigaeth ar gyfer Chwarae, Dysgu a Gofal Plentyndod Cynnar, yn allweddol i hapusrwydd a lles plant ac yn gosod plant ar y llwybr i gyflawni eu potensial llawn.

Mae gan Lywodraeth Cymru dwy raglen gofal plant sy'n cefnogi plant a rhieni yn y blynyddoedd cynnar. Hynny yw'r elfen gofal plant o'r Rhaglen Dechrau'n Deg, ¹a'r Cynnig Gofal Plant i Gymru². Mae gofal plant a ariennir gan y llywodraeth ar gael ar hyn o bryd i rai plant o ddwy oed.

Mewn gwledydd eraill yn y DU mae gofal plant wedi'i ariannu gan y Llywodraeth ar gael i blant mor ifanc â naw mis oed. Mae ystod eang o dystiolaeth am fanteision gofal plant i blant, teuluoedd a'r economi. Hoffem ddeall mwy am ba ffactorau sy'n dylanwadu ar benderfyniadau rhieni am ofal plant i blant o dan ddwy oed.

Nod y prosiect yw:

- adnabod a syntheseiddio'r ymchwil a'r data sydd ar gael ar y ffactorau sy'n dylanwadu ar benderfyniadau rhieni ar ofal plant drwy asesiad tystiolaeth gyflym.

Dylai'r adolygiad tystiolaeth gynnwys ymchwil a data a gynhyrchwyd gan Lywodraeth Cymru, yn ogystal ag ymchwil arall sy'n cwmpasu Cymru, gwledydd eraill y DU a thystiolaeth Ryngwladol addas. Dylai'r synthesis tystiolaeth hwn gael ei gynnal mewn ffordd ddiduedd ac atgynhyrchadwy i ddarparu tystiolaeth ar gyfer ymarfer a llunio polisi.

Yr allbynnau a ragwelir ar gyfer y prosiect:

- Cyhoeddi adroddiad Ymchwil Cymdeithasol gan y Llywodraeth.
- Rhoi briff ysgrifenedig i Weinidogion a swyddogion yn amlinellu'r canfyddiadau allweddol o'r dadansoddiad.
- Cyflwyniad i gydweithwyr dadansoddi a swyddogion polisi ar y canfyddiadau

Cyfrifoldebau a gofynion yr interniaeth

Bydd yr interniaeth yn para am gyfnod o 3 mis, gyda'r opsiwn o estyniad, ac yn ystod y cyfnod hwn bydd y sefydliad cartref yn rhewi prosiect PhD y myfyriwr. Bydd y myfyriwr yn cael ei dalu'r hyn sy'n cyfateb i'w dâl (stipend) yn ystod ei interniaeth. Yn ogystal â gwyliau blynyddol, gellir trefnu amser ar gyfer ymrwymadau PhD drwy drafod gyda'r rheolwyr llinell, e.e. cyfarfodydd grwpiau ymchwil a chyflwyniadau cynhadledd. Anogir ceisiadau gan fyfyrwyr rhan-amser.

¹ [Hoffech chi help llaw gan Dechrau'n Deg | LLYW.CYMRU](#)

² [Cynnig Gofal Plant Cymru | Help Gyda Chostau Gofal Plant yng Nghymru | LLYW.CYMRU](#)

Rhagwelir y bydd yr ymgeisydd llwyddiannus yn gweithio mewn ffordd hybrid rhwng adref ac un o swyddfeydd Llywodraeth Cymru yn ystod ei interniaeth. Gall hyn newid yn ddibynol ar bolisi Llywodraeth Cymru. Bydd unrhyw newidiadau i drefniadau gweithio yn cael eu trafod gydag ymgeiswyr llwyddiannus.

Bydd yr interniaeth yn para am gyfnod o 3 mis amser llawn neu'r hyn sy'n cyfateb yn rhan-amser. Ar gyfer myfyrwyr sydd wedi'u cofrestru yn rhan-amser, mae'r interniaeth hon ar gael yn rhan-amser dros gyfnod hwy (dim llai na thri diwrnod yr wythnos waith), i'w negodi rhwng Llywodraeth Cymru a'r ymgeisydd llwyddiannus. Os hoffech gael eich ystyried ar sail ran-amser, nodwch eich dewis oriau gwaith ar y ffurflen gais.

Manyleb myfyriwr

Mae Llywodraeth Cymru yn chwilio am unigolyn brwdfrydig iawn sy'n meddu ar sgiliau ymchwil. Bydd yr ymgeisydd delfrydol yn cael ei ysgogi i ddatblygu ei sgiliau a'i brofiad ei hun trwy ymgymryd ag ymchwil a fydd yn cyfrannu at hyrwyddo polisi cyhoeddus a gwneud penderfyniadau yng Nghymru. Er bod sgiliau meintiol cryf yn hanfodol i'r interniaeth hon, bydd ymgeiswyr yn cael cymorth i ddatblygu eu sgiliau mewn meysydd eraill er mwyn cyflawni briff y prosiect.

Meini prawf hanfodol

- Wedi cofrestru ar raglen PhD

Sgiliau ymchwil:

- Y gallu i adolygu a choladu llenyddiaeth o amrywiaeth o ffynonellau.

Cyfathrebu:

- Y gallu i gynhyrchu allbynnau dadansoddol a dogfennau wedi'u hysgrifennu'n dda sy'n cyflwyno deunydd technegol mewn fformat hygyrch.
- Y gallu i gyflwyno gwybodaeth dechnegol i gynulleidfaoedd annhechnegol.

Rheoli amser

- Sgiliau rheoli amser effeithiol i gwrdd â therfynau amser y prosiect a sicrhau bod pob tasg yn cael ei chwblhau erbyn diwedd yr interniaeth.

Dyddiad dechrau'r interniaeth

Ebrill/Mai 2025 (union ddyddiad i'w drafod). Efallai y bydd rhywfaint o hyblygrwydd yn dibynnu ar amgylchiadau unigol.

Cyllid a chostau

Gellir talu costau teithio a llety rhesymol i fyfyrwyr nad ydynt wedi'u lleoli yng Nghaerdydd fel arfer. Dylai ceisiadau fod yn gyson â chanllawiau YGGCC. Ni fydd ceisiadau gan fyfyrwyr sydd angen cyllid ychwanegol ar gyfer teithio a llety yn cael eu trin yn llai ffafriol. Os oes gennych unrhyw ymholiadau am hyn, cysylltwch â Carole Baker yn YGGCC ar: enquiries@wgsss.ac.uk

Diogelwch

Mae gweithdrefnau fetio Llywodraeth Cymru (sy'n berthnasol i staff dros dro yn ogystal â staff parhaol) yn cynnwys cwblhau ffurflen gais Safon Ddiogelwch Safonol ar gyfer Personél (BPSS) a Holiadur Diogelwch ar gyfer y broses fetio.

Mae'r broses hon yn gofyn i'r ymgeisydd gyflwyno tri math gwreiddiol o ddogfen adnabod. Dylai un o'r rhain fod yn ddogfen â llun (pasbort, trwydded yrru newydd), dylai un ddogfen ddangos y cyfeiriad presennol, a gallai'r trydydd math fod yn fil cyfleustodau, tystysgrif geni, P45 neu P60.

Ymholiadau

Dylid cyfeirio unrhyw ymholiadau ynglŷn â'r post neu'r broses ymgeisio at:

Siân Williams

Prif Swyddog Ymchwil

E-bost: Sian.Williams50@llyw.cymru